



Sabtu, 04 Januari 2025
Ogen: Matius 2:1-8



"Ija Kin Mesias e Tubuh"



Penungkunen Guru-guru Timur kerna kecibal ingan tubuh Mesias mpeturah penungkunen si mbelin i bas pusuh raja Herodes. *"Ija kin raja kalak Jahudi si mbaru tubuh e? Sebab idah kami bintangna i Timur, janah kami enggo reh guna nembah man baNa'".* Herodes selaku raja Judea sengget kal megi penungkunen guru-guru Timur. E maka ipepulung raja kerina imam-imam si mbelin ras guru-guru agama Jahudi lako banci njabab penungkunen guru-guru Timur. *"I kuta Betlehem i taneh Judea, sabab nggo isuratken nabi: O kam Betlehem i taneh Juda, labo kam kuta si kitikna i daerah Juda; sebab i bas kam nari reh me sekalak pemimpin si mpermakani bangsanku bangsa Israel'".* Kenca Herodes ndatken gambaren kerna ingan tubuh Mesias e, e maka isuruh Herodes guru-guru Timur lako berkat ku Betlehem ingan Mesias tubuh; janah pesan raja Herodes man guru-guru Timur, kenca ia jumpa ras raja e, erberita ia man raja Herodes gelah raja Herodes pe reh lako nembah man raja si tubuh e. Erpalasken Pustaka Si Badia, maka Mesias e tubuh i Betlehem taneh Judea. Guru-guru Timur ngidah tandana arah Bintang si ersinalsal; kenca jumpa guru-guru timur ras Mesias e, ipersembahkenna erta-erta siibabana e me emas, kumenen ras mur. Perjumpaan guru-guru timur ras Mesias si tubuh maba keriahen ukur man guru-guru timur je nari ngerana Tuhan arah nipina gelah ola ia mulihkan ndahi Herodes. Wari natal nggo sibentasi, jenari ibereken Tuhan kesempatan man banta bengket ku tahun si mbaru. Berita si isehken kerna ingan tubuh Mesias pe nggo sialoken bagi guru-guru Timur ngaloken berita ketubuhen Jesus. Tentuna pengarapenta ketubuhen Jesus e la saja bas kuta Betlehem tapi terlebih-lebih tubuh i bas pusuh perukurenta. Adina guru-guru Timur ipersembahkenna erta-erta sibabana; terlebih-lebih kita mpersembahkan kegeluhenta guna kemulian gelar Tuhan. Marilah kita kerina moria-moria GBKP, singaloken ketubuhen Jesus. Sialoken jenari si beritaken ka berita keriahen e man teman-temannta; tentuna la terjeng arah pengerananta tapi pe arah perbahanenta.